

JZU BOLNICA „SVETI VRAČEVI“

BIJELJINA

Broj: 178/25

Dana: 16.01. 2025. godine

Na osnovu člana 70. Zakona o javnim nabavkama BiH („Službeni glasnik BiH“ broj 39/14, 59/22 i 50/24) i člana 36. Pravilnika o javnim nabavkama JZU Bolnice „Sveti Vračevi“ Bijeljina, a povodom Konkurentskog zahtjeva za dostavljanje ponuda broj 5508/24 za nabavku robe – Termomikser sa kompatibilnim termoblokom (broj obavještenja na portalu javnih nabavki: 106-7-1-418-3-242/24), na osnovu Izvještaja o radu Komisije za javnu nabavku broj 5904-3/24 od 04.12.2024. godine, donosim

## **O D L U K U**

### **o poništenju postupka nabavke**

#### **I**

**Poništava se postupak nabavke broj 5508/24 za nabavku robe – Termomikser sa kompatibilnim termoblokom, u skladu sa članom 69. stav 2) tačka (d) Zakona o javnim nabavkama BiH, jer nijedna od primljenih ponuda nije prihvatljiva.**

#### **II**

Ova Odluka dostavlja se ponuđačima koji su učestvovali u postupku javne nabavke, shodno članu 71. stav (2) Zakona o javnim nabavkama BiH.

#### **III**

Ova Odluka će se objaviti na WEB stranici Ugovornog organa: [www.bolnicabijeljina.com](http://www.bolnicabijeljina.com), istovremeno sa upućivanjem ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama BiH.

## Obrazloženje

U postupku javne nabavke broj 5508/24 (broj obavještenja na portalu javnih nabavki: 106-7-1-418-3-242/24) za nabavku robe - TERMOMIKSER SA KOMPATIBILNIM TERMOBLOKOM, u Konkurentskom zahtjevu za dostavljanje ponuda, na protokol JZU Bolnice „Sveti Vračevi“ Bijeljina blagovremeno su pristigle 4 (četiri) ponude:

1. ponuda „Mikro+polo“ d.o.o. Sarajevo, broj 5855/24
2. ponuda „Elta 90 MB“ d.o.o. Sarajevo, broj 5857/24
3. ponuda „Medicom“ d.o.o. Bijeljina, broj 5874/24
4. ponuda „Dimed“ d.o.o. Sarajevo, broj 5876/24

Komisija za nabavku imenovana Rješenjem broj 5508/24 od 09.10.2024. godine izvršila je javno otvaranje pristigih ponuda, pregled, analizu i ocjenu ponuda, te konstatovala da su ponude: **„Mikro+polo“ d.o.o. Sarajevo, „Elta 90 MB“ d.o.o. Sarajevo, „Medicom“ d.o.o. Bijeljina i „Dimed“ d.o.o. Sarajevo neprihvatljive.**

Ponuda broj 5855/24 **„Mikro+polo“ d.o.o. Sarajevo** nije dostavljena u skladu sa tenderskom dokumentacijom, te je ista prema članu 2. stav (1), tačka 1) podtačka 2. Zakona o javnim nabavkama BiH **neprihvatljiva.**

Tačkom 3.3. tenderske dokumentacije broj 5508/24 je definisano da su ponuđači dužni dokazati da ponuđena roba odgovara traženoj specifikaciji, a kao dokaz su dužni dostaviti: „ a) *Ažuriran katalog (poželjno u boji) i/ili tehnički fajl i/ili izvod iz uputstva za upotrebu (u boji) proizvođača za ponuđenu robu kojim se dokazuje ispunjenje min.tehničkih zahtjeva. Na priloženoj dokumentaciji je potrebno označiti ispunjenje tehničkog zahtjeva. Navedena dokumentacija koja nije na jednom od službenih jezika u BiH ili na engleskom jeziku mora biti prevedena od strane ovlaštenog sudskog tumača na jedan od službenih jezika u BiH. Uz prevod je potrebno dostaviti i originalni dokument sa kojeg je izvršen prevod.*“ Uvidom u ponudu broj 5855/24 komisija je konstatovala da je ponuđač „Mikro+polo“ d.o.o. Sarajevo dostavio izvod iz kataloga, a ne kompletan katalog kako je traženo. Gore navedenom tačkom tenderske dokumentacije (tačka 3.3) od ponuđača je traženo da u dostavljenoj dokumentaciji tehničke i profesionalne sposobnosti označe ispunjenje tehničkog zahtjeva što je ponuđač „Mikro+polo“ d.o.o. Sarajevo propustio učiniti za zahtjev koji glasi: *„PID kontrola osigurava*



*doslijedne rezultate miješanja i preciznost (sa CE sertifikatom)*". Komisija je utvrdila da je na 19. strani ponude ponuđač u izvodu kataloga označio da PIB kontrola osigurava doslijedne rezultate miješanja i preciznosti, ali ne i da postoji CE sertifikat. Daljom analizom dostavljenog izvoda iz kataloga, komisija je konstatovala da je ponuđač označio da nudi proizvod Thermo Scientific Heating Digital Shaking Drybath kataloškog broja 88880028 ispod kojeg je naveden raspon temperature od +5°C do 100°C, dok je ponuđač „Mikro+polo“ d.o.o. Sarajevo u izvodu kataloga označio raspon temperature od 4°C do 95°C ali za isti se ne zna na koji proizvod se odnosi jer nema kataloškog broja. Komisija je smatrala da ovako označavanje tehničkih zahtjeva nije prihvatljivo i da se ne može sa sigurnošću utvrditi koji proizvod ponuđač nudi. U skladu sa navedenim komisija je konstatovala da ponuda broj 5855/24 ponuđača „Mikro+polo“ d.o.o. Sarajevo nije prihvatljiva, jer je ponuđač dostavio nepotpune dokaze tehničke i profesionalne sposobnosti, te nije dokazao ispunjenje postavljenih uslova, zbog čega je njegova ponuda odbačena u skladu sa članom 68. stav (1) Zakona o javnim nabavkama BiH.

Ponuda broj 5857/24 „**Elta 90 MB**“ d.o.o. Sarajevo nije dostavljena u skladu sa tenderskom dokumentacijom, te je ista prema članu 2. stav (1), tačka 1) podtačka 2. Zakona o javnim nabavkama BiH **neprihvatljiva**.

Tačkom 3.3. tenderske dokumentacije broj 5508/24 je definisano da su ponuđači dužni dokazati da ponuđena roba odgovara traženoj specifikaciji, a za dokazivanje ispunjenja navedenog uslova ponuđači su dužni dostaviti: „ a) *Ažuriran katalog (poželjno u boji) i/ili tehnički fajl i/ili izvod iz uputstva za upotrebu (u boji) proizvođača za ponuđenu robu kojim se dokazuje ispunjenje min.tehničkih zahtjeva. Na priloženoj dokumentaciji je potrebno označiti ispunjenje tehničkog zahtjeva. Navedena dokumentacija koja nije na jednom od službenih jezika u BiH ili na engleskom jeziku mora biti prevedena od strane ovlaštenog sudskog tumača na jedan od službenih jezika u BiH. Uz prevod je potrebno dostaviti i originalni dokument sa kojeg je izvršen prevod.*“ Uvidom u ponudu broj 5857/24 komisija je konstatovala da je ponuđač „Elta 90 MB“ d.o.o. Sarajevo dostavio izvod iz kataloga, a ne kompletan katalog kako je traženo tenderskom dokumentacijom. Analizom dostavljenog izvoda iz kataloga, komisija je konstatovala da je ponuđač označio da nudi proizvod Eppendorf ThermoMixer F2.0 i označio sledeće karakteristike:

- raspon temperature od 4°C do 100°C (tehničkom specifikacijom traženo od +4°C do +95°C)
- raspon brzine od 300 do 1,500 rpm (tehničkom specifikacijom traženo od 150 do 1500 rpm).

U skladu sa navedenim komisija je konstatovala da ponuda broj 5857/24 ponuđača „Elta 90 MB“ d.o.o. Sarajevo nije prihvatljiva, jer je ponuđač dostavio nepotpune dokaze tehničke i profesionalne sposobnosti, te nije dokazao ispunjenje postavljenih uslova, zbog čega je njegova ponuda odbačena u skladu sa članom 68. stav (1) Zakona o javnim nabavkama BiH.

Ponuda broj 5874/24 „**Medicom**“ d.o.o. **Bijeljina** nije dostavljena u skladu sa tenderskom dokumentacijom, te je ista prema članu 2. stav (1), tačka 1) podtačka 2. Zakona o javnim nabavkama BiH **neprihvatljiva**.

Tačkom 3.3. tenderske dokumentacije broj 5508/24 je definisano da su ponuđači dužni dokazati da ponuđena roba odgovara traženoj specifikaciji, a za dokazivanje ispunjenja navedenog uslova ponuđači su dužni dostaviti: „ a) *Ažuriran katalog (poželjno u boji) i/ili tehnički fajl i/ili izvod iz uputstva za upotrebu (u boji) proizvođača za ponuđenu robu kojim se dokazuje ispunjenje min.tehničkih zahtjeva. Na priloženoj dokumentaciji je potrebno označiti ispunjenje tehničkog zahtjeva. Navedena dokumentacija koja nije na jednom od službenih jezika u BiH ili na engleskom jeziku mora biti prevedena od strane ovlaštenog sudskog tumača na jedan od službenih jezika u BiH. Uz prevod je potrebno dostaviti i originalni dokument sa kojeg je izvršen prevod.*“ Uvidom u ponudu broj 5874/24 komisija je konstatovala da je ponuđač „Medicom“ d.o.o. Bijeljina dostavio katalog na način propisan tenderskom dokumentacijom, ali analizom dostavljenog kataloga, komisija je konstatovala da je ponuđač označio da nudi proizvod Thermo Scientific Heating Digital Shaking Drybath kataloškog broja 88880028 i označio raspon temperature od +5°C do 100°C (tehničkom specifikacijom traženo od +4°C do +95°C). Gore navedenom tačkom tenderske dokumentacije (tačka 3.3) od ponuđača je traženo da u dostavljenoj dokumentaciji tehničke i profesionalne sposobnosti označe ispunjenje tehničkog zahtjeva što je ponuđač „Medicom“ d.o.o. Sarajevo propustio učiniti za zahtjev koji glasi: „*PID kontrola osigurava dosljedne rezultate miješanja i preciznost (sa CE sertifikatom)*“. Komisija je utvrdila da je na 64. strani ponude ponuđač u izvodu kataloga označio da PIB kontrola osigurava dosljedne rezultate miješanja i preciznosti, ali ne i da postoji CE sertifikat. U skladu sa navedenim komisija je konstatovala



da ponuda broj 5874/24 ponuđača „Medicom“ d.o.o. Bijeljina nije prihvatljiva, jer je ponuđač dostavio nepotpune dokaze tehničke i profesionalne sposobnosti, te nije dokazao ispunjenje postavljenih uslova, zbog čega je njegova ponuda odbačena u skladu sa članom 68. stav (1) Zakona o javnim nabavkama BiH.

Ponuda broj 5876/24 „Dimed“ d.o.o. Sarajevo nije dostavljena u skladu sa tenderskom dokumentacijom, te je ista prema članu 2. stav (1), tačka l) podtačka 2. Zakona o javnim nabavkama BiH **neprihvatljiva**.

Tačkom 3.3. tenderske dokumentacije broj 5508/24 je definisano da su ponuđači dužni dokazati da ponuđena roba odgovara traženoj specifikaciji, a za dokazivanje ispunjenja navedenog uslova ponuđači su dužni dostaviti: „ a) *Ažuriran katalog (poželjno u boji) i/ili tehnički fajl i/ili izvod iz uputstva za upotrebu (u boji) proizvođača za ponuđenu robu kojim se dokazuje ispunjenje min.tehničkih zahtjeva. Na priloženoj dokumentaciji je potrebno označiti ispunjenje tehničkog zahtjeva. Navedena dokumentacija koja nije na jednom od službenih jezika u BiH ili na engleskom jeziku mora biti prevedena od strane ovlaštenog sudskog tumača na jedan od službenih jezika u BiH. Uz prevod je potrebno dostaviti i originalni dokument sa kojeg je izvršen prevod.*“ Uvidom u ponudu broj 5876/24 komisija je konstatovala da je ponuđač „Dimed“ d.o.o. Sarajevo dostavio izvod iz kataloga, a ne kompletan katalog kako je traženo tenderskom dokumentacijom. Analizom dostavljenog izvod iz kataloga, komisija je konstatovala da je ponuđač označio da nudi proizvod Alemadr Thermo Shaker Incubator i označio sledeće katrakteristike:


- raspon temperature od -20°C do 100°C (tehničkom specifikacijom traženo od +4°C do +95°C)
- raspon brzine od 0 do 1,500 rpm (tehničkom specifikacijom traženo od 150 do 1500 rpm)

U skladu sa navedenim komisija je konstatovala da ponuda broj 5876/24 ponuđača „Dimed“ d.o.o. Sarajevo nije prihvatljiva, jer je ponuđač dostavio nepotpune dokaze tehničke i profesionalne sposobnosti, te nije dokazao ispunjenje postavljenih uslova, zbog čega je njegova ponuda odbačena u skladu sa članom 68. stav (1) Zakona o javnim nabavkama BiH.

U skladu sa navedenim **Komisija za nabavku je predložila da se postupak javne nabavke broj 5508/24 za nabavku Termomiksera sa kompatibilnim termoblokom poništi u skladu sa članom 69. stav 2) tačka (d) Zakona o javnim nabavkama BiH, jer nijedna od primljenih ponuda nije prihvatljiva.**

### **Pouka o pravnom lijeku**

Protiv ove Odluke pravo žalbe ime svaki privredni subjekat koji ima ili je imao interes za dodjelu ugovora o javnoj nabavci i koji učini vjerovatnim da je u konkretnom postupku javne nabavke bila ili je mogla biti prouzrokovana šteta zbog postupanja ugovornog organa, a koje se u žalbi navodi kao povreda Zakona i podzakonskih akata od strane ugovornog organa u postupku javne nabavke. Žalba se može izjaviti u roku od 5 dana od dana prijema ove Odluke. Žalba se izjavljuje na način propisan članom 99. Zakona o javnim nabavkama.



**VD. DIREKTOR**

Prim. dr Mikajlo Lazić

Pripremio: Jelena Selak dipl. ecc

Jelena Selak

Saglasan: Rukovodilac službe

[Signature]